

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 12 » փետրվարի 2019թ.

N 47/34

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևանի քաղաքապետարանի աշխատակազմի հասարակական կարգի պահպանության ծառայության աշխատակից Հ. Ղազարյանի կողմից 16.07.2019 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի (այսուհետ՝ Օրենսգրք) 154-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Գևորգ Երվանդի Սուքիասյանի կողմից սեփականության իրավունքով իրեն պատկանող Նորքի 9-րդ փողոցի հ. 8 հասցեում ինքնակամ իրականացվել է երկաթբետոնե սյուների կառուցման շինարարական աշխատանքներ, որի վերաբերյալ 17.07.2019 թվականին կազմվել է վարչական իրավախախտման վերաբերյալ թիվ 030819 արձանագրությունը (այսուհետ՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Գևորգ Երվանդի Սուքիասյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Գևորգ Երվանդի Սուքիասյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով:

Հաշվի առնելով, որ Հայաստանի Հանրապետության վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական՝ այդ թվում նաև վարչական իրավախախտման վերաբերյալ վարույթների կասեցման դեպքերը, հիմքերն ու կարգը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետով 17.07.2019 թվականին քաղաքացի Գևորգ Երվանդի Սուքիասյանի նկատմամբ կազմված հ. 030819 արձանագրության հիման վրա հարուցված վարչական վարույթը 11.09.2019 թվականի վարչական իրավախախտման գործի վերաբերյալ հ. Վ-35/2 որոշմամբ կասեցվել է մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Գևորգ Երվանդի Սուքիասյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Գևորգ Երվանդի Սուքիասյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով:

Վարչական իրավախախտման գործի վերաբերյալ 06.11.2019 թվականի հ. Վ-42/37 որոշումով քաղաքացի Գևորգ Երվանդի Սուքիասյանի նկատմամբ կասեցված վարչական վարույթը վերսկսվել է:

Վարչական իրավախախտման գործի վերաբերյալ 06.11.2019 թվականի հ. Վ-42/39 որոշումով կասեցվել է 17.07.2019 թվականին քաղաքացի Գևորգ Երվանդի Սուքիասյանի նկատմամբ կազմված հ. 030819 արձանագրության հիման վրա հարուցված վարչական վարույթը մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Գևորգ Երվանդի Սուքիասյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Գևորգ Երվանդի Սուքիասյանին Երևանի քաղաքապետարանում 12.12.2019 թվականին կայանալիք նիստին ծանուցելու համար:

Համաձայն ՀՀ ոստիկանության Երևան քաղաքի վարչության Գեներալական բաժնի Մարաշի բաժանմունքի պետի 04.12.2019 թվականի հ. 30/1-4-5294 գրության՝ Գևորգ Սուքիասյանը հրաժարվում է ծանուցագիրը ստանալուց:

Հաշվի առնելով, որ քաղաքացի Գևորգ Երվանդի Սուքիասյանը հրաժարվում է ստանալ 12.12.2019 թվականին կայանալիք գործի քննարկմանը մասնակցելու վերաբերյալ ծանուցագիրը, ուստի համարվեց, որ վերացել է վերը նշված վարչական վարույթի կասեցման հիմքերը և Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

Գործի քննության ընթացքում ուսումնասիրվեցին արձանագրությունը, Երևանի քաղաքապետարանի աշխատակազմի հասարակական կարգի պահպանության ծառայության վարչության պետի 13.08.2019 թվականի հ. 51/44-67015, 09.10.2019 թվականի հ. 51/44-67015 հրույրությունները, անշարժ գույքի նկատմամբ իրավունքի պետական գրանցման վկայականի պատձենը, գլխավոր հատակագիծը, սխեմաները, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 18.09.2019 թվականի հ. 19/67015 հրույրությունը, Երևան քաղաքի Նորք-Մարաշ վարչական շրջանի ղեկավարի 29.08.2019 թվականի հ. 32/01-956, 13.11.2019 թվականի հ. 32/01-23967 հրույրությունները, ՀՀ ոստիկանության Երևան

քաղաքի վարչության Կենտրոնական բաժնի Մարաշի բաժանմունքի պետի 04.12.2019 թվականի հ. 30/1-4-5294 գրությունը և իրավախախտման լուսանկարը:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ քաղաքացի Գևորգ Երվանդի Սուքիասյանի կողմից սեփականության իրավունքով իրեն պատկանող Նորքի 9-րդ փողոցի հ. 8 հասցեում ինքնակամ իրականացվել է երկաթբետոնե պուլների կառուցման շինարարական աշխատանքներ, որով թույլ է տվել Օրենսգրքի 154-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոսնձգվող հակաիրավական, մեղավոր (ղիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի 1-ին պարբերության համաձայն՝ սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

Համաձայն «Վարչարարության հիմունքների և վարչական վարույթի մասին» ՀՀ օրենքի (այսուհետ՝ Օրենք) 1-ին հոդվածի՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Համաձայն Օրենքի 49-րդ հոդվածի 1-ին մասի «գ» կետի՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Համաձայն Օրենքի 49-րդ հոդվածի 3-րդ մասի՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանայուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, Օրենքի 49-րդ հոդվածի 1-ին մասի «գ» կետով, 3-րդ մասով, 219.1-րդ, 281-րդ և 282-րդ հոդվածներով, Երևանի քաղաքապետի 23.08.2013 թվականի թիվ 4180-Ս որոշմամբ (փոփոխ. 01.08.2017 թվականի թիվ 2645-Ս)՝

ՈՐՈՇԵՑԻ

1. Քաղաքացի Գևորգ Երվանդի Սուքիասյանի նկատմամբ 06.11.2019 թվականի հ. Վ-42/39 որոշմամբ կասեցվեց վարչական վարույթը վերսկսել:

2. Քաղաքացի Գևորգ Երվանդի Սուքիասյանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (երկու հարյուր հազար) ՀՀ դրամի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվին:

4. Սույն որոշումը կարող է բողոքարկվել վարչական և դատական կարգով՝ որոշումն ուժի մեջ մտնելուց հետո երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱԽԱՆՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺՆԻ ՊԵՏ՝



ԱՆԴՐԱՆԻԿ ՄԱՐՏԻՐՈՍՅԱՆ